

Sydney Banksip paasisai immikkut ittut:

Paasinnikkiartornermini paasisai, allanullu avitseqatigiissutigisai.

Immikkoortoq 1 – Sydney Banksip paasisai pingaarnerit

Paasisaq siulleg – Eqqarsaat: Eqqarsaat tunissutaavoq, inuit allallu uumassusillit tunissutissarsiaat, qaratsaminni assilissanik oqaatsinillu pinngorartitsisinnaaniassagamik. Sydney-ttaaq paasisaasa ilagaat, “ilumut eqqarsartarnitsinnik paasinninnerup” tarnikkut peqqinnerulerneq kingunerisaraa, eqqarsaammut aalajangersimasumut pituttorsimanngikkaluarluni (eqqarsaatilluunniit imaanut aalajangersimasumut pituttorsimanngikkaluarluni).

- **Paasisaq tamanna paasineqanngikkallarmat**, eqqarsaatit tassaatinneqartarput, paasinninnerit inuup misigisaqartarneranik tunngaviliisuusut, aallaavittut pineqartoq kisimi pinnani. Isumaqartoqartarpoq, katsorsaannermi inuit eqqarsaataasa imai qitiulluinnartuusut. Paasisalli nutaap eqqarsariaaseq sangutippaa, qitiusoq tassaalersillugu ilumut inuit eqqarsartartuunerannik paasinninneq, eqqarsaaterpiaat qitiutikkunnaarlugit.
- **Sooq paasisaq nutaaq pingaaruteqarpa:** Inuit paasigaangamikku inuunerissaarnerup tunngavia, ilumut inuit tamarmik eqqarsartartuunerinik paasinninnermik aallaaveqartoq, inuunerissaarnissaq anguniarlugu eqqarsaatiminnik aqutsiniarnissaq, artornarsinnaasoq piviusorsiunngitsorlu, pisariaqartikkunnaassavaat.

Paasisat aappaat - Sianissuseq: Sianissutsitta, malugissutsivut atorlugit eqqarsaativut uummartittarpei.

- **Paasisaq tamanna paasineqanngikkallarmat:** Qallikkut malugisartakkavut, tassalu inuunermik misigisaqartarnivut, nukinnit avatitsinnit pisunit, soorlu inuunitsinni aqqusaakkatsinnit, tunngaveqartutut isiginiarneqartarput.
- **Sooq paasisaq nutaaq pingaaruteqarpa:** Sianissutsip, sooq eqqarsaatip eqqarsaataannaannginnera nassuiarpaa. Nassuiarpaa eqqarsaat tassaasoq pisoq pituttorsimanngitsoq, malugissutsitta malugisartagaa. Assersuutigisinnaavarput, assiliivimmik pisut arlaat assiliigaangatsigu aamma taamatut pisoqartartoq. Inuit paasigaangamikku sianissutsip atuuffivia suunersoq, misigisat qanorluunniit sakkortutigigaluartut aqqusaarsinnaasarpaat, qisuariarfigerujussuartaariaqarnagit.

Paasisat pingajuat: Isuma/tarneq: Isuma tassaavoq nukik nutaaliortuartoq, inuunerup kiminga, silassorissuseq inuunerup tamarmiusup toqqammavia.

· **Paasisaq tamanna paasineqanngikkallarmat**, tarnip pissusaanik ilisimatusarnerup iluani, isuma/tarneq tassaanerarneqartarpoq qarasaq, qaratsallu pisinnaasaanik misissueqqissaarnermik killeqaqisumik pisinnaasalittut isigineqartarluni, tassaanerarneqartarlunilu eqqaamasanik katersuivik. Sydney Banks tarnip pissusaanik ilisimatusarnermut ilannguppoq, oqarluni, isuma/tarneq timip pissusaanut tigussaasumut assersuunneqarsinnaanngitsoq, anersaallu pissusaanut tigussaangitsumut atasutut taaneqartariaqartoq. Isuma/tarneq tassaanerarpaa, silassorissuseq inuunerup tamarmiusup tunngavia, sulluunniit inuunermik tunngavillit toqqammaviat.

· **Sooq paasisaq nutaaq pingaaruteqarpa:** Isuma/tarneq qanoq ittuusoq nammineq paasigutsigu inuit tamatta atassuteqaqatigiinnerput piviusunngortikkiartuaarsinnaalissavarput. Silassorissuseq suut tamarmik tunngaviat taassumalu pisinnaasai, qanoq ittuunersut paasilissavagut, taamaalillutalu uatsinniit annerusumik peqarnera, tassungalu atanerput, tassungalu atanitsinni kiffaanngissuseqarluta pissaaneqarlutalu malugilissavarput.

Immikkoortoq 2 – Sydney Banksip paasisai allat, paasisanik toqqammaviusunik tunngavillit

Paasisat sisamaat – Tunngaviit: Eqqarsaat, Sianissuseq kiisalu Isuma/Tarneq, tassaapput tunngaviit pingasut, inuit misigisaqartarnerisa qanoq ittuussusaannik nassuiaasut. Paasisaq tamanna paasineqanngikkallarmat, tarnip pissusaanik ilisimatusarnerup iluani, tunngavinnik tarnikkut inuunitsinnik ataatsimoorussamik nassuiaasunik soqanngilaq. Taamaallaat paasisat immikkuualuttut, tarnermut tunngasut amerliartuinnartut pigineqarput.

· **Paasisaq tamanna paasineqanngikkallarmat** tarnip pissusaanik ilisimatusarnerup iluani, tunngavinnik tarnikkut inuunitsinnik ataatsimoorussamik nassuiaasunik soqanngilaq. Taamaallaat paasisat immikkuualuttut, tarnermut tunngasut amerliartuinnartut pigineqarput.

· **Sooq paasisaq nutaaq pingaaruteqarpa:** Tunngaviit pingasut ataatsimoortinnerisa inuk inuttut nukittusinnaatippaat, misigisanilu nukittulluni aqusaarsinnaatillugit, nalunagu inuunerup silassorissusaa qamuuna pigereerlugu, taanna silassorissuseq tassaasoq inuunerissaarnissamik tunngaviusoq.

Paasisat tallimaat – Misigissutsit qitiusut: Asanninneq nuannaarnerlu misigissutsini assigiinngitsuni saqqummersarput, soorlu qujamasunnermi, tarnikkut eqqissinermi maniguunnermilu, taakkulu tassaapput misigissutsit qitiusuusut, inuit misigissusaanni tunngaviusut. Misigissutsit taakku ilaanni inuit eqqarsaataannut assersuunneqarsinnaasarpud, tassaappulli inuup oqimaaqatigiissumik inuuneqarnissaanut tunngaviliisut.

· **Paasisaq tamanna paasineqanngikkallarmat** inuup misigissusai isummamigullu atugai, kulturikkut atukkanit imaluunniit inuit ataasiakkaat atugaanniit pilersartutut isigineqartarput. Isumaqartoqarpoq inuit toqqammaviusumik assigiissunik qitiusunik misigissuseqanngitsut.

• **Sooq paasisaq nutaaq pingaaruteqarpa:** Asanninneq nuannaarnerlu tamatta ataatsimoorullugit tunngaviusutut pigeriikkatsitut isigilerutsigit, atorlugit inuunissaq ajornangitsunnguannusooq, nalunagu misigissutsit nuanniitsut tassaaginnartut inunnguutsitsinni sivikitsukullammik takkuttartut, namminnerlu tammaqqittarlutik.

Paasisat arferngat – sianissutsip qaffasissusaa: Sianissutsip qaffasissusaa inissisimaffia (sianissutsip inuunermik paasinnittaasaata sumi inissisimanera) tassanngaannaq qaffassinnaavoq, inuunerissaarnerulernermik inuunermillu naleqarnerusumik misigisaqarnermik kingunilimmik. Sianissutsip inissisimaffiata qaffariasaarsinnaanera inuit inunnguuseralugu piginnaaneqarfigaat. Inuunerup ingerlanerani, naatsorsuutiginnigilluinnarlugu ajornangitsunnguamik pisarpoq. Tassa inuup sananeqaataanut ilaasoq, inuup inunnguusaa, pinngortitaassutsimut ilaasoq. Inuup sianissutsip inissisimanerata qaffasinneraaniikkuni, naatsorsuutigissavaa piviusoq qangarniit iluarnerusoq nutaajusorlu inuuffigilissallugu.

• **Paasisaq tamanna paasineqanngikkallarmat** isumaqartoqarsimavoq inuup pissusiata allangornera, qamuunalu inuunerinnerulernera peqquteqartartoq, eqqarsaatit, eqqaamasat, periutsit misigissutsillu eqqummaarilluni iliuuseqarfiginerisigit.

• **Sooq paasisaq nutaaq pingaaruteqarpa:** Sianissutsip qaffasissuseqarnerata neriuuteqalersippaatigut, immitsinnut piumaffigeqqaanngikkaluarluta tassanngaannaq ajunngitsup tungaanut allangortoqarsinnaaneranik. Misissuinerit takutippaat, taama tassanngaannaq ajunngitsup tungaanut allangortoqarsinnaanera ilumoortuusooq, misileraallunimi katsorsaanermi issariarnerup ingerlanerani allangornermi, tulleriaaraluni allangortitsiartuaarnernut sanilliutissagaanni, allangornivik pisartoq. Assorooqqaanngikkaluarluni immaqalu naatsorsuutiginnigisamik ajunngitsup tungaanut allangortoqarsinnaanera, kimulluunniit, qaquguluunniit kiisalu qaqugukkulluunniit pisinnaasoq neriuuteqalersippaatigut.

Paasisat arfineq aappaat: Piumassuseq piumasaqaatitaqanngitsoq sammillugu: Sydney Banksip sammisaata ilagaat, inuup misigisaqartarnerani piumassutsip piumasaqataatitaqanngitsup itisilerlugu nassuiarnera. Piumassuseq piumasaqaatitaqanngitsoq tassaavoq qanorluunniit eqqarsaateqarsinnaanermik kiffaanngissuseqarneq, qanoq iliorusukkaanniluunniit iliuuseqartarneq kiisalu eqqarsaatitta qanoq sakkortutigisumik qisuariarfiginissaanut kiffaanngissuseqarneq (Piumaguttami eqqarsaatigut qisuariarfigisariaqanngilagut imaluunniit qisuariarfigersuaarsinnaavagut.). Sydney Banksip paasivaa, sianissutsip qaffasissusaa kiisalu piumassuseq piumasaqaatitaqanngitsoq imminnut ataqatigiittut. Sianissusitta sumiiffia qaffakkaangat (paasinnittarnerput qaffasikkaangat), piumassuseq piumasaqaatitaqanngitsoq annertunerusoq misigisarparput.

• **Paasisat tamanna paasineqanngikkallarmat** aamma itisilikkamik kiffaanngissuseqarluni iliorsinnaaneq pillugu marlunnik illugiissitaasunik isumaqartoqarsimasoq: tamakkiisumik "kiffaanngissuseqarneq"-mik isuma tassaasoq inuit anigorsinnaanngisaminnik pakatsisarnerat neriunaateqanngitsumillu aqunniakkaminnik eqqarsaatiminnik "aqutsiniartarnerat". "Inuunermi piumaartussat" isuma tassaavoq inuunitsinni piumaartussanik tiguarneqartugut, taamaammallu kiffaanngissuseqarluni iliorsinnaaneq takorluugaannaalluni. Tamanna pillugu "kiffaanngissuseqarnermik"-tammaarfiup akiuulluni anguniarpaa kiffaanngissuseqarnerulernissaq, taamaatsillugu "inuunermi piumaartussat"-tammaarfiat eqqugaanertut pineq aamma tunuarsimaneq akiuussutigaa.

• **Sooq paasisaq nutaaq pingaaruteqarpa:** Sydney Banks-ip kiffaanngissuseqarneq pillugu paasisaasa inuit kiffaanngissuseqalersippai, taamaalillutillu inuttut ataasiakkaatut kiffaanngissusermik aallaaveqartumit inuuneq qiteqatigalugu ingiaqatigisinnaalersillugu – ilisimaaralugu aaqqissuussaannermi annerusumi, tassa silatussusermi qaffasinnerusumi, akuunertik. Kiffaanngissutsip suussusivianik, taassumalu qaatusimanerup qaffasissusaanut assigiinngitsunut atassuteqarneranik ersarissutsimik amigaateqartarnerup paatsoortarnerullu malitsigisaanik akiuuttariaqartarneq aqqusaartariaqarnagu.

Paasisat arfineq pingajuat – Isuma/Tarneq nipaatsaq: Isuma nipaatsaq oqimaaqatigiissorlu tamatta inunnguutsit toqqammavigaarput, tassaalluni qamuuna oqimaaqatigiinneq. Isummap/tarnerup nipaatsup atassuteqarfigisai tassaapput, qamannga paasinnilerneq, uippakajaarnissaagalumik pinaveersaartitsineq kiisalu inuit tamarmik atassuteqatigiinnerat.

• **Paasisaq tamanna paasineqanngikkallarmat:** Isumaqartoqarpoq peqqussutininik malinninneq, ilitersuutininik malinninneq kiisalu ileqqoqaqqissaarneq aatsaat malikkaanni, tarnikkut toqqissineq anguneqarsinnaasoq.

• **Sooq paasisaq nutaaq pingaaruteqarpa:** Qamannga paasinnilerneq, uippakajaarnissaraluumik pinaveersaartitsineq, inuit tamarmik attaveqatigiinnerat, ajortunullu akiuussutissaqarsinnaaneq – isumap/tarnerup nipaatsup tassa atortagai. Isumap/tarnerup nipaatsup atortagai taakku, tarneq pillugu ilisimatusarnermi toqqammaviulluarput, ulluinnarnilu inuunermi aamma ilisimaneqarlutik. (Assersuutigalugu taasinnaavarput, mediteerernerup uippakajaarunnarsitsiartortarnera soorlu.) Qamannga paasinnilerniaraanni, ("balck burner" inuussutissarsiornerup iluani taama taaneqartartoq), eqqarsaatit nutaaliortuartut, ataqatigiinnerup annertunerusup misiginissaa (aappariit isummamikkut/tarnimikkut kiffaanngissuseqarunik imminnut qaninnerusutut misigisarnerat), inuit namminneq paasilertarpaat. Isummap/tarnerup nipaatsup nukittussusaa uaniippoq, atorineqarsinnaallunilu anguniagaasinnaagami. Tarnerup eqqissinissaanut atorluarneqarsinnaavoq, aammali qamannga takunnilernermi allatullu isiginnilernermi atorineqarsinnaavoq.

Paasisat qulingiluaat – silassorissuseq paasinnittaatsip nalinginnaasup avataaniittoq (transcendent) Sydney Banksip paasisaasa ilagaat inuunerup iluani silassorissutsimik nukeqartoq, nunami inuunitsinni silassorissutsip nalunngisatta assigiinngisaanik. Silassorissuseq tamanna, paasinnittaatsip sungiusimasatta avataaniittup, nalunngilluarppaa inuuneq qanoq

pilersinneqartarnersoq aqunneqartarnersorlu. Tassa imaappoq, inuit tamarmik, qanorluunniit silatussusillit, kulturillit, suaassusillit utoqqaassusillillu, silassorissutsimut tassunga naassaangitsumut, paasinnittuartumut itisuumullu pisinnaapput. Silassorissutsip tamassuma inuttut misilittakkatut eqqaamasagut ilinniagaqassuserpullu kimittussutsimigut qaangerpai. Silassorissuseq tamanna naassaangitsoq, inuit tamarmik uumassusillillu tamarmik ataatsimoorussaralugu pigivaat, taannalu eqqarsaatitta pinngunnginnerini/eqqarsanngikkaangatta malugisinnaavarput.

• **Paasisaq tamanna paasineqanngikkallarmat:** Isumaqartoqarpoq piginnaanertussuseq isumatussuserlu ukiut, ilinniagaqassuseq, misilittagartussuseq IQ-lu, allallu peqquiti killilersukkat najoqqutaralugit uuttortarneqarsinnaasut.

• **Sooq paasisaq nutaaq pingaaruteqarpa:** Silassorissutsip paasinnittaatsip nalinginnaasup avataaniittup, immitsinnut tatiginerulersippaatigut, upperilersillugulu isumassarsiat, qamanga paasinnilerit, inernerillu pisariaqartileraangatsigit namminnerlutik takkuttartut. Silassorissuserlu tamanna tamanut assigiimmik atuuppoq/inatsiseqarpoq, tassa imaappoq, kinaluunniit nunarsuarmi silassorinnerpaanik taaniarneqartartutuulli piginnaaneqartigivoq (mind power).

Paasisat qulingat – Misigisaq qaammarsaataasoq: Inuup qanoq qaammarsagaasinnaaneranik periarfissaq una qaqutigooq, Sydney Banksip ilisarnaatigaalusoq. Tamassuminnga paasinninnera piareersimaffingisaanik paasiniaaqaannguarnani takkuteriasaarpoq.

• **Paasisaq tamanna paasineqanngikkallarmat,** isumaqartoqarpoq misigisaq qaammarsaataasoq, soorlu Sydney Banksip misigisaatut qaqutigooq, paasissutissarpasuarnik misissuillunilu katersereernikkut, anersaarlu pillugu ilisimatusarnikkut aatsaat angusassatut takorloorneqartarpoq, taamatullu misigisaqarusulluni ujartuisunuinnaq misigisassaasorineqartarluni.

• **Sooq paasisaq nutaaq pingaaruteqarpa:** Sydneyp “misigisaa”/ eqiiallatsinneqarnera / piviusumik takunninnera, kikkunnulluunniit pisinnaavoq, kikkunnulluunniit taama pinissamut piareersarsimangilluinnaraluartunut.

George Pransky 2018